

# La BCG avra sia nova sedia regiunala ad Arosa

## Dapli cussegliaziun en in ambient modern

**Cuira, ils 8 da zercladur 2020 – Sunter temp da renovaziun da set emnas è vegnida averta oz glindesdi la nova sedia regiunala da la Banca Chantunala Grischuna (BCG) ad Arosa. Las clientas ed ils clients spetga ina halla da clientella cumpletmain nova ed ina purschida da cussegliaziun pli vasta.**

La BCG ha modernisà sia [sedia regiunala ad Arosa](#) ed adattà ella als novs basegns da la clientella. Er en l'avegnir porscha la sedia regiunala l'entira paletta da servetschs da banca. Da quella fan part la cussegliaziun d'investiziun e l'administraziun da la facultad sco era soluziuns individualas per dumondas da finanziaziun e da provediment. Ed igl è era vinavant pussaivel da reglar simpels affars da banca sco empustar cartas e far pajaments.

### Dapli temp per la cussegliaziun persunala

La nova sedia regiunala na dispona da nagins spurteglj classic pli. Enstagl da quels è vegnida installada en la nova halla da clientella ina recepziun moderna e centrala. Las clientas ed ils clients vegnan retschavids en in'atmosfera agreabla e discreta: ils cussegliaders sa movan libramain e beneventan a moda directa las clientas ed ils clients. En questa moda po la BCG sa posizionar sco banca da cussegliaziun moderna. «Grazia al nov concept da filiala han nossas collavuraturas e noss collavuraturars anc dapli temp per la cussegliaziun persunala», sa legra il manader da la regiun Arosa Peter Altmann.

### Simpels affars da banca èn era vinavant pussaivels

Arosa è la novavla da diesch sedias regiunalas che la BCG ha adattà a las novas pretensiuns ch'ina banca moderna sto ademplir. Adina dapli clientas e clients reglan ils affars da banca sur ils chanals electronics. En las filialas vegnan els surtut per cussegliaziuns persunalas. Per ils simpels affars da banca stattan a disposiziun ad Arosa apparats multifunziunals che porschan ils suandants servetschs: far pajaments e retrair daners en francs svizzers ed euros cun tscherner las bancnotas tenor giavisch sco era consultar il saldo dal conto. En cas da basegn sustegnan ils cussegliaders da la BCG las clientas ed ils clients. Ordaifer ils temps d'avertura èn ils automats accessibels en la zona da 24 uras.

### Il contact persunal stat en il center – dapli soluziuns digitalas

La BCG Arosa è averta da glindesdi fin venderdi, da las 08.30 fin las 12.00 e da las 14.00 fin las 17.00. Discurs da cussegliaziun individual èn pussaivels era via telefon. A medem temp investescha la BCG en sias purschidas digitalas per simplifitgar ils affars da banca. Exempels èn il [center da clientella](#), nua ch'ils clients pon empustar online daner contant che vegn tramess a chasa per posta u era fixar in termin da cussegliaziun. Dapli davart las soluziuns online per reglar ils affars da banca da tuttas uras chatt'ins sin [gkb.ch/digital](https://gkb.ch/digital).

### Contact per las medias:

Banca Chantunala Grischuna, Medias & Investor Relations, Chascha postala, 7001 Cuira  
Thomas Müller, [thom.mueller@gkb.ch](mailto:thom.mueller@gkb.ch), telefon +41 81 256 83 11  
Plutarch Chiotopulos, [plutarch.chiotopulos@gkb.ch](mailto:plutarch.chiotopulos@gkb.ch), telefon +41 81 256 83 13

La Banca Chantunala Grischuna sin:

[gkb.ch/medien](https://gkb.ch/medien) | [Twitter](#) | [Facebook](#) | [Instagram](#) | [LinkedIn](#) | [Xing](#) | [YouTube](#) | [Flickr](#)

---

**La Banca Chantunala Grischuna – il leader en il Grischun**

La Banca Chantunala Grischuna porscha tut quai ch'i' dovra per ina banca universal moderna – per persunas privatas, l'economia ed il maun public. La banca occupa 1010 collavuraturas e collavuratur (stadi dals 31-12-2019). En il chantun Grischun cun sias numerusas vals e pliras linguas, è l'interpresa represchentada cun 50 agenturas, la sedia principala sa chatta a Cuira. La Banca Chantunala Grischuna è participada a la Banca Privata Bellerive AG a Turitg ed a la Albin Kistler AG medemamain a Turitg. En il resultat annual preschenta ella cun ina summa da bilantscha da CHF 28.5 milliardas in gudogn dal concern da CHF 185.5 milliuns. Il scrit da participaziun BCG è quotà a la bursa dapi ils 10 da settember 1985.

**Termins**

Rendaquint semestral 2020: 23 da fanadur 2020

---